

Ս. Հ. Եսայան

ՀԱՅ ՆԵՏԱԶԻԳՆԵՐ

Օտար և հայ պատմիչների մոտ հայ նետաձիգների վարպետության մասին կան մի քանի արժեքավոր տեղեկություններ, որոնք ներկայացնում են այստեղ՝ դեպքերի ժամանակագրական կարգով:

Հռոմայեցիների դեմ Տիգրան Մեծի (Տիգրան II) մղած պատերազմների օրերին, Լուկուլոսը, Արտաշատի վրա հարձակվելու դիտավորությամբ, իր զորքն Արածանիից անց է կացնում և կռվի բռնվում հայ զորքերի հետ: Այս մասին Դիոն-Կասիոս հույն պատմիչը գրում է.

«Հարձակման ժամանակ թշնամու [հայերի] այրուձին խիստ նեղը զցեց հռոմեական հեծալազորին... թշնամիները որևէ ղեաս չկրեցին, այլ նրանք, ետ դառնալով՝ նետեր էին արձակում հետապնդողների վրա, և շատերին խուճույն սպանեցին և շատերին էլ վիրավորեցին: Իսկ վերքերը ծանր էին և դժվար էին բուժվում, որովհետև նետերն ունեին երկու ծայր, որոնք այնպես էին իրար կցված, որ թե վերքի մեջ մնալով և թե դուրս հանվելով՝ արագ կերպով մահ էին պատճառում: Դրա պատճառն այն էր, որ նետի ծայրերից մեկը, որը ոչ մի կերպ չէր կարելի դուրս հանել՝ մնում էր մարմնի մեջ»¹:

Ակադ. Հ. Մանանդյանը մեջ բերելով Դիոն-Կասիոսի սույն տողերը, ավելացնում է իր հետևյալ բացատրությունը. «Տիգրանի հեծելազորի փախուստը պարզապես կեղծ փախուստ էր, որի միջոցին նրա նետաձիգ արագաշարժ ձիավորները նոր ջարդ էին տալիս թշնամուն: Կռվելու արևելյան այդ ձևը գործադրել էին, ինչպես հայտնի է, նաև պարթևները Կրասսոսի դեմ, որը կատարյալ պարտություն էր կրել 53 թվին»²:

Վերոհիշյալ սխեմայի պատմության համար, Չամչյանն օգտվելով դարձյալ Դիոն-Կասիոսից, առում է.

«Լուեալ Տիգրանայ՝ թե առաւ Տիգրանակերտ, արձակեաց փութանակի զհեծելազորս իւր ի վերայ Դուկուղեայ. որոց ի ճանապարհի պատահեալ հեծելոցն հռովմայեցւոց՝ զորս յղեալ էր Դուկուղէս, հարին զնոսա չարաչար յոյժ: Իբրև դայն լուաւ Դուկուղէս՝ որ հեռի էր ի տեղւոջէ անտի... առեալ նոյն ժամայն զվահանաւորս իւր՝ փութացաւ հասանել յօգնութիւն նոցա. իսկ հեծելազօրք հայոց՝ փախուստ կեղծելով դարձան յետս: Եւ ի պնդել Դուկուղեայ զկնի նոցա՝ վտանդեցան զօրք նորա առ հասարակ ի չարաչար խոցուածոց նետիցն հայոց»³:

¹ Ակադ. Հ. Մանանդյան—Տիգրան Ներսիսեան և Հռոմը, Երևան, 1940 թ., էջ 153:

² Նույն տեղ, էջ 154:

³ Մ. Չամչյան—Պատմութիւն Հայոց, հատ. Ա., էջ 235:

Շտրուսկուլոթյան մեջ Չամչյանն առաջ է բերում Դիոնի խոսքերը, որոնք, սակայն, հեմ ուզում ներկայացնել այստեղ՝ կրկնությունից խուսափելու համար:

Հայ նետաձիգների մասին երկրորդ տեղեկությունն ստանում ենք Յարմուկի¹ ճակատամարտի կապակցությամբ:

Օմար խալիֆի օրերին, արաբները ոչ միայն ձգտում էին կործանել Սասանյան իշխանությունը և տիրել Պարսկաստանին, այլև նպատակ էին դրել բյուզանդացիներին քշել Սիրիայից: Երկու բանակների միջև վճռական ճակատամարտը տեղի ունեցավ Պաղեստինում, Յարմուկ գետի ափերին, 636 թվականին:

Այս առթիվ Ս. Վ. Ադիքսոնդրյանն իր «Արևմտյան Ասիո կամ Ասիական Տաճկաստանի ժողովրդոց վրա» հոդվածում գրում է.

«[Ասորիքում] կայսերական բանակաց քանի մը պարտութենեն ետև՝ Յարմուկի եռօրյա ճակատամարտը Ասորիքի բազմը որոշեց. և պարտյալ բանակին մնացորդաց հետ, հունա-հռոմեականին հաջորդող Բյուզանդյանց քաղաքակրթությունը և լեզուն՝ Ամանոսի և Տավրոսի լեռներեն անդին կը մղվեր... Հայաստան՝ որ թեև դժգոհ՝ Յարմուկի արանց վրա իր պարտքը կատարած էր, և իր դիպածից աղեղնավորաց բրած նախճրաց հիշատակը արաբացիոց քով, գործ կուրուքյան անվանվելով՝ առակ եղած էր... Հունա-նալով ներքին կարգավորյալ հորինվածություն մը... իր քաջերեն զրկված [էր], որոնք կայսերականաց թուլությունը և այլոց մատնությունը՝ Հորդանանու զաշտերուն վրա ընկեր էին (Յարմուկի ճակատամարտի մեջ)»:

Հետո, հոդվածագիրը, որպես ծանոթություն, ավելացնում է.

«Արաբացի տարեգիրք կը պատմեն, որ՝ հայ աղեղնավորներն արաբացիոց քաջերեն 700 զինվոր սպաններ էին՝ ամենն ալ աչքերնեն զարնելով, ուստի և... գործ կուրուքյան անվանվեցավ պատերազմին այն մասը»² («Բագմավեպ», 1878, էջ 245)³:

Հայ նետաձիգների մասին վերջին տեղեկությունն ստանում ենք Հովհաննես Դրասխանակերտցի պատմագրից:

Երբ արաբացոց Բըշըր ոստիկանը պաշարում է Սևանա լիճը, որի կըղզում ապաստանել էր Աշոտ Բ. Երկաթ Բագրատունի թագավորը, վերջինս «վաղվաղակի պատրաստ է նաև մետասան և ամբառնայ ի նաև անդր իբրեև արս եօթունասուն ազատս և զծառայս իւր լայնալիճ աղեղամբ»՝ արս քաջակորովս և հմուտս ի ձգտումն նետաձգութեանց, որ գրեթե ի մագոյ ոչ

¹ Յարմուկ գետն սկիզբ է առնում Լիբանանի լեռներից և Պաղեստինից անցնելով, Տիբերիոս լճի հարավային կողմում թափվում է Հորդանան գետը:

² Դժբախտաբար, հոդվածագիրն իր այս պատմածների համար ոչ մի աղբյուր ցույց չի տալիս:

³ Սերեոսը և Ղևոնդը հիշատակում են այս պատերազմը՝ առանց Յարմուկ գետի և հայ նետաձիգների մասին որևէ բան տեղյակ Սերեոսը միայն Յարմուկ գետի փոխարեն հիշում է Հորդանան գետը (տե՛ս ՍԵՐԵՈՍ, Երևան, 1930 թ., էջ 107—108., ՂԵՎՈՆԴ, էջ 5—6, Ս. Պետեր.): Ղևոնդի Պատմության համար կաղմած ծանոթագրությունների № 4-ում կարդում ենք, որ Ք. Պատկանյանը, հիմնվելով Փրանսիացի պատմաբան Lebau-ի «Hist. de Bas-Empire» աշխատության վրա, հայտնում է, թե բյուզանդական բանակի հրամանատարը եղել է Վահան (Bahanes, Mahan) անունով մի հայ իշխան:

վրիպիին»։ Կովի ընթացքում հայ զորքերը «զոմանս միակամիս¹ ի թշնամեացն առնէին և զայլս բազումս կարեւէր վիրաւորեալ սատակէին»։

Եթե հիշյալ կովի մեջ թշնամիներից միայն մի քանիսը, և ոչ թե շատերը, միակամի են դարձել, պատճառը, ըստ իս, կարող է լինել այն, որ հայ նետաձիգներն իրենց ոտների տակ չեն ունեցել հաստատուն դեմին. նրանք կովել են ծովի մշտաշարժ ալիքների վրա, և բնական է, որ չպիտի կարենային բոլոր նետերն էլ ուղիղ նպատակին՝ աչքերին դիպցնել։

ՄՍՌԾ Գիտությունների Ակադեմիայի Հայկական Ֆիլիալ
Պատմության և Նյութական Կուլտուրայի ինստիտուտ

С. А. Шалджян

Армянские стрелки

Р е з ю м е

В статье говорится о высоком искусстве армянских стрелков из лука. Первое известие об этом дает Дион Кассий, согласно сообщению которого стрелки из войск Тиграна II причинили римским войскам больше потерь, чем остальные роды войска. Армянские стрелки употребляли стрелы с двойным острием.

Второе известие относится к знаменитой битве при Ярмуке в 636 году. Армянские войска, находившиеся в византийской армии, своей меткой стрельбой сумели сразить только на один глаз 700 арабов.

Другое известие мы находим у армянского историка X века, католикоса Иоанна IV Драсханакертского. Он рассказывает, что группа воинов армянского царя Ашота II (Железного), сев на ладьи, отошла от острова Севан и пошла против войск арабского востикана Бшира. Войска последнего были расположены на берегу озера Севан. Историк рассказывает, что армянские стрелки метко стреляли в арабские войска и от их выстрелов многие арабские воины лишились одного глаза.

S. Shalgyan

Armenian archers

S u m m a r y

The article deals with the marksmanship of Armenian archers. The first information about it is given by Dion Cassius who states that Armenian archers from the troops of Tigran the Second armed with double pointed arrows inflicted heavy losses upon the Roman troops.

¹ Յովի, կար.—Պատմութիւն Հայոց, Թիֆլիս, 1912 թ., էջ 366: Ընդգծումներն իմն են. Ս. Շ.:

The second information dates from the famous battle at Yarmook in 636. The Armenian troops that served in Byzantine army by their excellent shooting contrived to blind 700 Arabs in one eye.

The Armenian historian of X century, Catholicos Iohann the Fourth of Draskhanakert gives another information on the subject. He narrates that a group of warriors of Armenian king Ashot the Iron sailed off the Sevan Island against the troops of Arabian ostikan Beshir located on the shore of the lake. The historian proceeds that Armenian archers shot at Arabian troops from their boats and by their well aimed shooting left many of them single eyed.